

الرشاد

سنة ١٣٣٠

والله يهدي من يشاء الى صراط مستقيم ديني ، علمي ، ادبي ، سياسي هفتلق مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جلد ١ - ٨

١٦ ربيع الاخر ١٣٣٠ پنجشنبه ٢٢ مارت ١٣٢٨

عدد ٥ - ١٨٧

حال بوکه ازلیت الهیه زمانک احاطه سی داخله کیرمز ؛ توالی حادثاته نسبتله تعیین اولماز. انک حادثاته تقدیمی ، امور اعتباریه دندر . ازلیت الهیه قید زماندن خارج بر استمرار مطلقدن عبارت اولق حیثیتله وجود حادثاتدن اول نه ایسه اندن صکرده اودر . بز بونک حقیقتی اکلایه میز . بزم تعقل ایده بیلجه کمز ، ازل مبدئی اولیان بر ماضیدن ، ابده منتهایی اولیان بر مستقبلدن عبارتدر . ازلیت الهیه ایسه بوکی قیود وهیه نیک تعلقدن تمایله آزاده در . ذاتاً استمرار مطلق ماضی ، حال واستقبال کی حدود وهیه ایله تحدید ایده رک زمانه اوچ مختلف شکل ویرمک اشکال هندسیه نیک تحقیق ایچون فراغ موهومی تحدید اتمک قیلندندر . حدود مادیه نیک انعدام مفروضیه اورتده بعد مطلقدن بشقه برشی قالمدیگی کی حدود وهیه نیک اسقاطیه اورتده آن مطلقدن بشقه برشی قالماز . بومثال داعی اعتراض اوله بیلیر . انحق بز بونک حقیقت مطلبه تمامی توافقنی ادعا ایتمورز ؛ یالکز قیاس مع الفارق قیلندن بر مثال اولق اوزره سرد ایدیورز . انک ایچون تضمن ایتدیگی محذوردن طولای مؤاخذه وارد دکلدر .

هرهانی بر استمرار اولورسه اولسون زانی زماندن مجرد اوله رق تصور ایده میز . چونکه عجز مز بوکا مانعدر . فقط انک امکاتی انکارده اصلاً معذور اوله میز . وجود باریده تعقل اولنان « بعدیت » و « قبلیت » حکمی اولدیغندن زمانه غیر تابعدر .

کله لم ابدیت الهیه ابدیت الهیه دیمک وجود ممکنک انقطاعندن صکره وجود واجب استمراری اعتباریه اولان « شأن الهی » دیمکدر . شو تقدیره کوره جناب حقک ازلیتی عینیه ابدیتی ، ابدیتی ده عینیه ازلیتی اولمش اولور .

ازلیت الهیه ایله ابدیت الهیه نیک بوصورتله حقیقت واحده انقلابی جناب حقک بقای ذاتیسیله منفرد قالمی ایچون اضافی اولان ایکی طرفک کنیسنندن انقطاعی دیمکدر .

خلاصه کلام « ازلیت » و « ابدیت » حقک ایکی صفیدر ؛ وجوب الهینک تعقلی ایچون بوصفتر زمانه اضافت ایدیلیر . بونلر حقیقتده بشقه بشقه شیلر دکلدر . ازل زماندن مجرد اوله رق تعقل ایدیلنجه انده ابده تحقیق ایدر . ازل هر ایکی منتهای معقولی جامع بر استمرار مطلق معناسنه آلیرسه جناب حقک سبق زمان ایله مسبوق اولیان وجودی ، تطاول زماندن بری اولان بقاسی دیمک اولور .

محققین ، ازلاه قدم بیننده کی فرقی تعیین ایدرک ازل وجود باریده تعقل اولنان « قبلیت » در . قدمه کلنجه اوده بوقبلیتک عدمله مسبوق اولماسیدر دیورلر . شو تقدیره کوره ابده وجود باریده تعقل اولنان « بعدیت » بقا ، او « بعدیت » ک طریان عدمدن بری اولسی دیمک اولور . ازل ایله ابدک اتحادینه دهر تسمیه اولتور . بوکله نیک معنای اصطلاحیسی « آن مطلق » دیمکدر . « آن مطلق » یاخود « آن دائم » ده حضرت الوهیتک استمراری ، بو استمرارده زمانک باطنیدر . اوراده ازل ایله ابد برله شیر . « لاتسبوا الدهر فان الدهر هوا » حدیث شریفی بومعنی اعتباریه در .

صاری عباده افندی حضرتلری مشوی شریف شرحنده زمان حقنده شویله بیودیورن « متکلمین عندنده زمان بر امر وهمی اولوب خارجده وجودی یوقدر . ارباب کشف وشهود قنده زمان دیدکاری مراتب تعینات وظهوراتدن هر بر مرتبه ده ادوار اربعه جمالیده واقع اولان تجلیات ذاتیه نیک امتداد وبقا وديمومیت وسرمدیتدن عبارت اولوب هر مرتبه ده بر اسم ایله مسمی در . مرتبه واحدیت ومقام جبروتده « وقت مطلق » و « آن دائم » ایله مسما رک بومرتبه ده صبح وشام یوقدر . کما قال علیه السلام (لی معاه وقت لا یسعی فیه ملک مقرب ولا نبی مرسل وقال لیس عند ربک صباح ولا مساء) وزمان مرتبه ملکوتده دهر ایله مسما در (لاتسبوا الدهر فان الدهر هوا) وزمان مرتبه بر زخده عصر ایله مسما در ، کما قال تعالی (والعصر ان الانسان لفی خسر) ومرتبه ملک وشهادتده زمان ایله مسما در .

حضرت شارحک دستور حقائق اولان اثر حکیمانهندن النان شور قاج سطر ، زمانک اهل حق وحقیقت عندنده تضمن ایتدیگی معنایی بک واضح ، بک وجیز بر صورتده اکلا دیور . بوندن زیاده سی فضله در . قدمای حکما بویکی شیئک حقیقتده شی واحد اولدیغنه اشاره ازل ایله ابدی بردا ره ، یاخود قویروغنک اوچنی اغزیسه المش برییلان صورتنده تمثیل ایدرلر ایدی .

فرید

اسلامده فن وفلسفه

۱۸۶ دن مابعد

غزالی رعلم امروء — غزالی تهذیب اخلاق نقطه نظرندن انسانلری باشلیجه اوچ قسمه آیرمیشدر :

(برنجی قسم ، صافیت فطریه لرینی محافظه ایدن انسانلردر . بونلر خیر وشره قارشی تمامیه لاقید قالیرلر . (خیر) ک ابی و (شرک) فنا اولدیغنی محاکمه ایده مزلر . کنیدیلری هانکی یوله سوق ایدیلورلرسه اوطریق تعقیب ایدرلر . بو حالده بولنان انسانلر بر مربی کاملاک دست تربیتنده سهولته اخلاق فاضله اکتساب ایده بیلورلر .

ایکنجی قسم انسانلر ، (خیری) فضیلت (شری) ایسه بررزلیت اوله رق طانیرلر سهده احتراصات نفسانیه ، شهوت وغضبک افراط وتفریطی کی رزائل اخلاقیه ایله الفت پیدا ایتیش اولدقلرندن ، فناغنی اعترافله برابر رزائل انهماک کوستیرلر .

بو حالده بولنان انسانلرک تبدیل اخلاق ایده بیللمه لری آرزو چوق بر مجاهده وزمانه محتاجدر . چونکه اولا کنیدیلرنده بر ملکه حاله ککش اولان فنا خویله ترک ویرلرینه ابی خویله اقامه ایتلری لازمدر . مع مافی کوج اولمقله برابر بونلر کده اصلاح نفس ایده بیللملری ممکندر . اوچنجی قسمی تشکیل ایدنلر ، رزائل اخلاقیه ایله مألوف اولمقله برابر

غزالی حیات معنوی ده محافظه اعتدالی صحت بدنه و افراط و تفریطی ده وجوده طاری اولان امراضه تشبیه دیورکه: (برخسته نك تدایوسی ایچون برطیب حاذقه احتیاج اولدینی کی مرض معنوی به مبتلا اولان بدخوی بر شخصك تدایوسی ایچونده بر مربی فاضله لزوم واردر. یکی طوغان برچوجفك بدنی تغذیه و تربیه ایله نشو و نما بولور و تکمل ایدر. قوای معنویه ده بویه در. بوقوتلرده اولجه ضعیف اولورلر. فقط تربیه و تهذیب اخلاق سایه سنده تکمل و علم و عرفانه تغذی ایدرلر. وجود صاغلام و خسته لقندن آزاده اولورسه طبیعه هیچده احتیاج مس ایتمز. طیبیدن یالکر حفظ الصحه قواعدینی اوکرنك و تطبیقنه چالشمق کافیدر. خسته لق علائمی کورولدیکی زماندرکه درحال طبیعه مراجعت ایجاب ایدر.

نفس ده امراض معنویه دن مصون ایسه بو حالی محافظه و قوت و صفوتی تزییده چالشمق اقتضا ایدر. عکس تقدیرده اطباء معنویات اولان اکابره مراجعتله خسته لقندن تخلص نفس ایتمک چاره لری آرانلیدر. فقط برخسته لغك تدایو ایدیه بیلمسی ایچون اسباب مرض معلوم و خسته لق تشخیص ایدلش اولمق لازمدر. چونکه معیار دوا معیار علمدن اخذ اولمشدر.

نفوس بشریه نك ترکیه و تهذیبله مشغول اولان ارباب ارشاده دست تربیه لرینه مودوع اولان انسانلرک اولاسنی، مزاجنی، اخلاقی، حالی، بنیه نك ریاضته درجه تحملنی تدقیق ایتمی، بعده نتیجه تدقیقنه کوره تدایو به باشلاملیدر.

غزالی نك حکمت اخلاقده کی (قوی جداً شایان حیرتدر. تصفیة نفس ایچون وضع ایستدیکي اصوللر مسلك تصوفیسی ملهماتسنددر. غزالی به کوره تهذیب اخلاق و تربیه معنویه دن غایه (انسان کامل) یتیشدیرمکدر. بوغایه به وصول ایچون حضرت امام (مجاهده) و (ریاضت) اصوللرینی توضیه ایدیور. تدریجی ریاضت سایه سنده نفسك ترکیه و روحك فضائل عالیله تخلیه ایدیه بیله جکنه قانعدر. احياء العلومده بوخصوصه دائر يك رنگین صحیفه لر اوقونه بیلور.

مدالی اعدادایی مدیری

م. شمس الدین

تذکره

حق و حقیقت

تاریخ اسلامیه دائر درفتور درزینك اثر غرض طایفه فارسی ربیه

— ۵ —

وحی ربانینك مراتب عذیده سی واردر

ایلمنی مرتبه — ملک وحی کورنیه رك قلب نجیه افاضه معنا ایتمسیدر. بونوع وحیک قبل اجل رحمانیدن اولمسی قلب مبارک کننده

رزقیتى فضیلت، اعتقاد و فضیلت اخلاقیه بی بر نوع بدلالق عد ایدن کیمسه لر در. بونلرک تبدیل اخلاق ایده بیلمه لری يك مشکلددر. چونکه بوکی اشخاصك اولا رزقیت اخلاقیه نك برقیجه و فضیلت خلقیه نك ده بر مزیت اولدیغه قساعت پیدا ایده رك اولکی اعتقادلرندن نکول ایتملری، ثانیاً کنیدیلرنده بر ملکه حالته کلش اولان فنا خوبلردن تمامیه و از کچملری، ثالثاً فضائل اخلاقیه ایله اتصافه چالشملری لازمدر. بوايسه هم کچ و هم کوچ اولور.

غزالی نك شو مطالعه سی، بسیقولوجی انسانى حقنده نه قدر درین تبعاتده بولنش اولدینغی يك کوزل کوستره بیلور.

سنه لرجه عالم اسلامه حرزات عرفان صاحبش اولان بوممتاز داهینك بالخاصه یشادینی زمان و محیطی نظر اعتباره الملق شرطیه لری اثرلرنده کی معالی فکریه و فلسفیه بی تدقیق ایدن ارباب انصاف، کنیدینك جداً خارقه نما بیوک بر بسیقولوج اولدینغی اعترافه مجبور قالیرلر. غزالی تبدیل اخلاقندن مقصد طبایع انسانیه نك بالکایه محوی دیمک اولدینغی ایضاح ایدرکن دیورکه: (انسانده بولنان قوا، حیات شخصیه نك محافظه و حیات نوعیه نك بقاسی ایچون الزمدر. مثلاً انسانده کی اشتها دیدیکمز حال محو ایدلش اولسه حیات شخصیه نك بقاسی ممکن اوله مز. بیوب ایچمکدن محروم قالان انسان هلاک اولور کیدر.

حس شهوت بولونماسه تناسل اولمز و نتیجه ده نوع بشر منقطع اولور. قوه غضبیه منعدم اولنجه انسان برطاقم مهاجمانه قارشی کنیدینسی مدافعه ایده مز. عاجز قالیر. ینه محو وهلاک اولور.

فاطر مطلق شخص و نوع انسانینك محافظه سی ایچون افراد بشریه بی بوکی بر طاقم قوتلره تجهیز ایتمشدر.

علم اخلاق و تعلیم و تربیه بوقوتلری افراط و تفریطدن قورناده رق اعتداله ارجاع ایتمک چالیشیر.

غزالی بوبابده کی محاکمه سنی (خبرالامور اوساطها) اساسی اوزرینه ایبتا ایلمکده در.

حضرت امام علم اخلاقی فن طبه تشبیه ایده رك دیورکه: (بدنك محافظه صحتی ایچون قواعد حفظ الصحه به رعایت و مرض وقوعنده اطباءه مراجعت نصل لازم ایسه حیات معنویك تکمل و محافظه سی ایچونده علم اخلاق متخصصلرینه مراجعتله قواعد اخلاقیه بی تعلم و تزکیه نفسه مبادرت او قدر لازم و واجیدر.

اخلاق سیئه حیات ابدیه بی فنا ایدر برطاقم امراض روحانیه در. بدنك هلاکنی مستلزم اولان امراض جسمانیه ایله حیات معنویه نك محوخی موجب اولان امراض معنویه آره سنده يك چوق فرقلر واردر. حیات قانیه نك افقاسنی انتاج ایده بیلن امراض جسمانیه نك تدایوسی ایچون هرکس اعتسارده بولنور. طیبیلره قوشار. علاجلر ترتیبه قوییلور. حالبوکه امراض معنویه حیات ابدیه بی فنا ایتمکده در.

شو حالده امراض معنویه نك تدایوسنه اهتمام و اخلاق فاضله ایله اتصافه اعتنا ایدلمسی ارجحیتله هرکسه لازم اولمق ایجاب ایتمزی؟.